

Suomâ sämitigge ocá **meriáigásáš tavesämikielâ kielâpargee SÁFÁ2**-projektin. Pargo álgá tállân já pištá 31.5.2014 rái.

Säämi parlamentaarlâš ráádi (Suomâ, Taažâ já Ruotâ sämitigij oovtâstpargo-orgaan)lii algáttâm 1.1.2013 ohtsâštave-eennâmlâš sämikielâ áámmát-/reesuurskuávdáá vuáđudemproojeekt, mii nohá 30.6.2014. Proojeekt válduruttádeijee lii EU Interreg IV A Nord Sápmi.

Kielâpargee pargoid kuleh kielâtipšom, kielâovdedem, terminologiapargo, normâdem, sehe tiedettem- já ravvimpargo. Kielâpargei puáhtá meridiđ eres-uv tooimâid, moh kuleh ohtsâštave-eennâmlâš sämikielâ áámmát-/reesuurskuávdáá vuáđudemprojektân.

Asáttâsvuáđustâslâš tohálâšvuodâvátámâššân lii pargo vaattâm škovlim já lasseen váttoo sämikielâ táidu. Projektân occoo vuosâsajasávt taggaar olmooš, kiást sämikielâ lii eenikielân tai västideijee kielâtáidu. Tuáivup occest hiáivulâš sämikielâ škovlim (ollâškovlâ/ollâopáttâh), hárijánem västideijee pargoost já sámiohtsâškode já -kielâi tubdâm. Lasseen tuáivup áámmátlâš máttim, oovtâstpargonaavcâ, sämikielâ kirjálâš tááidu sehe naavcâ jiečânâš já ulmemiáldásâš porgâmân.

Ohtsâštave-eennâmlâš sämikielâ áámmát-/reesuurskuávdáá pargokielah láá sämikielâ sehe suomâkielâ já ruotâ/tárukielâ. Kuávdáá pargon lii oovtâst sämitigijn ohtsâštave-eennâmlâš kielâoovtâstpargo nanodem já ovdedem, sämikielâ nanodem já ovdedem nuuvt, et jieškote-uv kielâjuávhu ohtâgâslâš táárбуh, hástuseh já naavcah váldojeh vuotân, sehe sämikielâ virkosmittem já turvim puátteevuodâst.

Kielâpargee lii palvâluskoskâvuodâst Suomâ sämitiigán já pälkki miärášuvá Suomâ sämitige pälkkááttemvuáhâdud vátvâšvuodâtaasij V/II – IV/IV miel (vuádupälkki 2079,95-2425,08 eurod/mp). Vuádupäälhi lasseen máksojeh 24 % sämikuávlulase já pargohárijánem miel miärášuvvee hárijánemlaseh. Toimâsaje lii sämitige monni toimâsaajeest tai sopâmuš miel eres saajeest.

Ucâmušâid lahtosijdiskuin kalga toimâttid Suomâ sämitige čäällimkoodán 17.5.2013 tme 16.00 rái čujottâssáin: Sajos, 99870 Aanaar. Lasetiáđuid pargoost addeleh proojeekthovdá Marko Marjomaa 050 438 2484 já kielâtorvočállee Siiri Jomppanen 050 493 9018. Sämitige tooimân puáhtá uápásmuđ nettičujottâsâst www.samediggi.fi.